

542 / 4  
1954



# ღელა

„ღელა“ იწერს ქვემოთ  
იღისს, ივლი შინაში,  
და პეტი, ქართული სწავლით  
ხაზისადაც კავშირსა“

№ 10 საბავშვო აკადემიური კომისიის მუშაობის  
შარდანი მუშაობისათვის 1954

# შემოდგომა


ირაკლი აბაშიძე

მთის კალთები აჭრელდა  
წითელ-წითელ ფერებით,  
ოქროს კალმით ნახატებს  
დაემგვანენ სერები.

დაიკრიფა ვყნახი,  
დაიკრიფა ბალები;  
ბარში ველი გასუნდა,  
მთაში — იალალები.

ბაღში ტოტებს ნახიცხარს  
გრილი ქარი აქანებს;  
ველად გააქვთ გუგუნნი  
კოლექტივის მანქანებს.  
კოლექტივის მანქანებს  
კადუჭიძაფთ ღარები —  
შემოდგომის სწულებით  
ღვივის ნაშურალები.

მინდვრის სვავი დაგროვდა, —  
ჩვენი სახლი მზად არი;  
მიდის მწვანე საფსული,  
მოდის თეთრი ზამთარი.





# რუსთაკის ფოლადი




## ს. ხაჩაზიშვილი

## ნახატები შ. ჩიჩინაშვილისა

დიდი ხანი არ არის, რაც ტრიალ მინდორზე ახალი სოციალისტური ქალაქი რუსთავი გაშენდა, ეს მეტალურგების ქალაქია. მეტალურგები ეწოდებათ იმათ, ვინც ლითონს, ფოლადს, რკინასა და სხვა შენადნობებს იღებს, შემდეგ კი მას მთელი ჩვენი ქვეყნის ქარხნებს, ფაბრიკებს, მანქანა-ტრაქტორთა სადგურებს და კოლმეურნეობებს აწვდის. როგორც ადამიანი უპუროდ ვერ გაძლებს, — ისე ქარხნები უფოლადოდ, ურკინოდ ვერ იმუშაებენ.

ლითონისაგან აკეთებენ პაწაწკინტელა ნემსს, კალამს და ვეებერთელა ორთქლმავალსაც, ფანქრის სათლელსაც და ტრაქტორსაც.

დიდი, ძალიან დიდი რუსთავის მეტალურგიული ქარხანა. მას აგურის



მაღალი კედელი აქვს შემოვლებული. მართო ამ კედლის სიგრძე თითქმის შვიდი კილომეტრია. შესვლისთანავე ადამიანს თვალში ეცემა მაღალი და გრძელი კორპუსები, რომელსაც გარშინებით დაკეცილი ნატრისფერი კედლები

აქვთ, ზემოთ კი, სახურავზე, შუშაბანდებიანი სანათებია დატანებული. „მეტალურგიული ქარხნის გაცნობა უმჯობესია ფოლადსადნობი საამქროდან ანუ მარტენის საამქროდან დაიწყოთო“, — მირჩიეს და მეც იქით გავეშურე.


აი, ის მიღები, წელან შორიდან რომ ჩანდა, უუ, უუ! რა მაღალია! ეს მარტენის ღუმელების მიღებია, იქიდან დინჯად ამოდის ვარდისფერი კვამლი და ცაში უჩინარდება.

საკაშმე ეხოში ვარ, — ასე ეწოდება უზარმაზარ

6620



გრძელ ორმოს, რომელიც ლითონის ნამტყრევებით, თუნუქის ნარჩენებით და ძველი მანქანის ნაწილებით არის სავსე; ეზოში ჩამოდგა გრძელი მატარებელი. ზემოდან უზარმაზარი ნალივით მრგვალი მავნიტის ამწე დაეშვა, მიუახლოვდა ნამტყრევებს და შორიდანვე მოიტაცა ისინი; თვალის დახამხამებაზე მავნიტმა რამდენიმე ფუთი ჯართი მიიზიდა, წა-




მოიღო და მატარებლის ღია ბაქანზე მდგარ აბაზანი სებურ კურკელში ჩაყარა. ასე ზიდავდა თუჯსა და ჯართს, ვიდრე მთელი შემადგენლობა არ დატვირთა, უცებ წივილ-კივილით მოეარდა პატარა ორთქლმავალი, მოიტაცა გრძელი

მატარებელი და სადღაც გააქანა. გზა მოკლედ გადავჭერი და მაღალთაღიან ვრცელ შენობაში შევედი, სწორედ ეს იყო მარტენის საამქრო.

ზევით ხიდურა ამწე ფოლადის კასრს მიაქანებდა, ჭერი ლითონის ფიცრებით იყო დაქსელილი.

საამქროში გაბმული გუგუნი ისმოდა. გავარდარებულ ფოლადსაღნობ ღუმელებიდან ავარდნილი ალი ცეცხლის ენებივით იკლაკებოდა.

პირველად შესვლისას ასე მეგონა, თითქოს ფეხქვეშ მიწა ირყეოდა, ყველაფერი ზანზარებდა, უცებ აქაც წივილით შემოიჭრა მატარებელი. შევკრთი, პირველ ღუმელთან შევჩერდი, მის წინ ბრეზენტის ტანსაცმლიანი, სახეგარუჯული კაცები ფუსფუსებდნენ, ბრეზენტისავე ხელთათმანები ეცვათ, შუბლზე მუქი ფერის სათვალეები ეკეთათ; ერთი მათგანი, როგორც ეტყობოდა, უფროსი იყო, სათვალეებს ჩამოიწვედა, რომ მზესავით ბრიალა სინათლეს თვალი არ მოეჭრა, ღუმელის სარკმელში შეიხედავდა, მერე განკარგულებებს იძლეოდა, ხან მუნ-





ჯურად ხელით ანიშნებდა, რადგან ყურ-  
თასმენა არ იყო, დანარჩენები კი მის ბრძა-  
ნებას ასრულებდნენ. ესენი მეფოლადეე-  
ბი იყვნენ. ზოგჯერ სარკმელს ასწევდნენ,  
საიდანაც ჩანდა, თუ შიგ როგორ ბობო-  
ქრობდა გავარჯარებული ლითონის მასა  
და ნიჩბებით ფხვნილის მსგავს რალაცას  
ყრიდნენ.


მეზობელ ღუმელში ახლა იწყება  
ფოლადის დნობის მთელი პროცესი:  
წელიანდელი მატარებელი ამ ღუმელთან  
გაჩერებულა, მის უკან დგას დიდი უცნა-  
ური მანქანა, რომელიც სპილოსავით ხან  
შეიწევს ხორთუმს, ხან გა-  
მოსწევს, მისწვდება თუჯი-  
თა და ჯართით სავსე აბაზა-  
ნისებურ კურქელს და აღ-  
მოდებულ ღუმელში შეუ-  
შახებს, წამოაპირქეავენს და  
უკანვე გამოიტანს ცარიელ  
კურქელს. ეს არის ჩამტვირ-  
თავი მანქანა. ღუმელის  
უზარმაზარმა სტომაქმა  
სწრაფად შთანთქა მატა-  
რებლის მიერ მოტანილი  
მთელი ჯართი და თუჯი.  
გარდა თუჯისა და ჯარ-  
თისა, ღუმელს სხვა საკაზ-  
მიც დაუმატეს. ამ ღუ-  
მელს იქით უკვე შესდგო-  
მიან ფოლადის გამოშვების  
საშხადის: ამწმ ვეებერთ-  
ელა ციხვი ჰაერში მსუბუ-  
ქად შეათამაშა, წამოიღო  
და ქვევით ღუმელის ძირ-  
ში დასკუბა. ციხვი  
მთლად ბზოილას ჰვავს,  
ან კიდევ დიდ ჭიქას.

მაგრამ ეს ისეთი ჭიქაა,  
რომელშიც 130 ტონა ფო-  
ლადი ჩადის!

ღუმელის მეორე მხარეს  
მეარხეები ფუსფუსებენ, გა-  
მოსაშვებ ლარს ასუფთავე-  
ბენ. იქაც შემოიჭრა მატა-  
რებელი, მასზე ჯართი კი  
აღარ ეწყუ, არამედ ცა-

რთელი კურქლები ანუ ბოყეები იდგა  
ფოლადის ჩამოსასხმელად.

ქერი ზანზარებს, იატაკი ირყევა: ისევ  
დააქროლებენ ტვირთს ამწეები, ისევ  
ხენეშით მიმოდიან მატარებლები, გრუ-  
ხუნით დაბობლავენ ჩამტვირთავი მანქა-  
ნები, ბობოქრობენ ღუმელები; პირვე-  
ლად მოსულ ადამიანს შეაქრობს ასეთი  
ორომტრიალი, მაგრამ თუ დაუყვირდ-  
ება, მალე დარწმუნდება, რომ აქ ძალიან  
დიდი წესრიგია, ადამიანისა და მანქანის  
ყოველი მოძრაობა წინასწარ მოფიქრ-  
ებული და გამოზომილია.





...უცებ ირგვლივ ყველაფერი განათ-  
 და, თითქოს მზემ გამოაქყიტა ღრუბ-  
 ლებიდანო. დაიწყო ფოლადის გამო-  
 შვება: გამდნარი ოქროსფერი ლითონ-  
 ნის ღვარი მოდიოდა ღარზე, ციხეში  
 ეშვებოდა. ცხელი ფოლადის ნაპერწკლები  
 ირგვლივ ციციანთელებივით იფან-  
 ტებოდა.

გავარვარებული ლითონის სიმბურვა-  
 ლით სახე ამელანდა, აღტაცებული შეე-  
 ცქეროდი დიდებულ სანახაობას; ასეთ  
 ღროს ის მეფოლადეებიც, რომლებ-  
 საც შრავალჯერ უნახავთ ფოლადის გა-  
 მოშვება, ისინიც კი წუთით ანებებენ  
 თავს მუშაობას და სიამოვნებით უცქე-  
 რენ ფოლადის ჩამოსხმას.

**ბრიგოლ ივლიამ**

შრომით ნასახელები,  
 მედგრად თავადებული,  
 შეხეთ, მოდის თქვენსმეტი  
 და-ძმა გადაღებული.

მოსკოვის ცა დანათის  
 მზის სხივებით ნაპკური,  
 ერთად ნახეს ნანატრი  
 გამოფენა ზღაპრული

აკ საქვეყნოდ გაისმის  
 მათი შრომის დიდება;  
 ერთურთს გაუზიარა  
 ყველამ გამოცდილება

და მოდიან მხარდამხარ  
 ცოდნით, მკლავით მაგარი;  
 რომ სულ იქცეს ბალნარად  
 საბჭოეთის მთა-ბარი.





საკავშირო სასოფლო-სამეურნეო გამოფენაზე, მთავარ პავილიონთან



ილია სინაბულიძე

ნახატი გ. თოთიაშვილი

## სიმინდის ყანა

ჩარაზმულან სიმინდები  
ფურცლებმობასხსაც;  
გამოუსხამთ ტაროები  
მსხვილ მარცვლებით საესე.

ნიავე ქრის და სიმინდი  
შრიალეზს და ღელავს,  
გრძელ ფურცლებით,  
როგორც ხმლებით  
ფარეკაოზს ყველა.

დღისით მზე და ღამით ცვარი  
სიმინდს ძალას აძლევს,  
გაივსებს და გაიმდიდრებს  
ჩამწკრივებულ მარცვლებს.

დაღამდება და საამო  
სუნს აუშვებს ყანა:  
ფოჩის სუნი, ტაროს სუნი  
არ გიგრძენიათ განა?

ავგისტოში, სექტემბერში  
შეიქმნება ხმელი;  
მაშინ სიმინდს მოსატებად  
უნდა მივყოთ ხელი.

სიმინდს მოეტეხთ, დავახვავებთ  
მსხვილ ტაროებს ბლომად;  
საქონელს კი—ჩალას, ფუჩჩის  
მივცემთ გასაძლომად.





# ღაზინყაბული მადლობა

ოთარს ნატვრა აუსრულდა. კვირა დღეს დედამ კობტა კალათი მისცა ხელში და რთველში წაიყვანა.

ხალხი ბუზივით ირეოდა, გოგო-ბიჭები ვაზებს აქეთ-იქიდან ამოსდგომოდნენ და ერთმანეთს ყურძნის კრეფაში ეჯიბრებოდნენ. მალე თავისუფალი მწყერი იღვინდა-შვილმა დაიკავა. აქეთ ოთარი ჰკრეფდა, იქით კი — დედა.

— უჰ, რა დიდი ჩხები აიჭრება! — ამბობდა ოთარი და ხან ერთ მტევანს მიეარდებოდა, ხან მეორეს. ოთარმა კალათა გააფსო და ის იყო მხარზე შედგმას აპირებდა, რომ თავს წამოაღდა უცნობი მამაკაცი.

— ყოჩაღ, ბიჭიკო, რა მალე გავივსია კალათა, ასე უნდა, მაშ! — და თვითონვე უშველა ოთარს კალათის მხარზე შედგმა. ოთარი დაიბნა და ნაბიჯის გადადგმას ვეღარ ახერხებდა.

— თქვენ ისევ განაგრძეთ კრეფა! —

უთხრა უცნობმა ოთარის დედას. — შენ კი, ბიჭიკო, წაიღე ეგ ყურძენი და გოდორში ჩაყარე.

ოთარი წავიდა თუ არა, უცნობმა



აბარატი მოიმარჯვა, მიმავალი ოთარი რომ გადაიღო, ახლა დედას მოუბრუნდა.

— ესეც ასე. დიდი მადლობა! — გაუღიმა უცნობმა დედას და დაბრუნებულ ოთარს თავზე ხელი გადაუსვა.

— ვინ იყო, დედა? — ჰკითხა ოთარმა.

— თბილისელი სტუმარია, შვილო, სურათები გადაგვიღო. შენ კალათის შედგმა გიშველა და მადლობა კი დაგავიწყდა.

— მერე, სურათებს ჩვენც მოგვცემს?

— მოგვცემს, უთუოდ!

რთველი მოთავდა, ბარაქიანი შემოდგამა მიიწურა.

ერთ საღამოს დედამ ოთარი კინოში წაიყვანა. მალე დარბაზი ჩაბნელდა და კინოც დაიწყო. ირგვლივ მუსიკის ტკბილი ხმა გაისმა. ეკრანზე კინოჟურნალს უჩვენებდნენ. დიქტორი ხმამაღლა ხსნიდა სურათების შინაარსს. ოთარი გატაცებით უცქერდა ჩაის კრეფას პლანტაციებში, სიმინდის ტეხვას, მოჯირითე ცხენოსნებს და ვაშლის კრეფას.

...საბჭოთა საქართველოს ერთ-ერთი მნიშვნელოვანი კუთხე, სადაც ყურძნის უხვი მოსავალი მოდის“... — განაგრძობდა დიქტორი და ეკრანზეც ვრცელი, დოვლათიანი ადგილები გამოჩნდა: ჯერ ალაზნის ველი, შემდეგ ზღვასავით გადაკიმული ზვრები.

ოთარი გაფაცოცებით ათვალიერებდა სურათს. ეცნო კიდევ ის ტკბილი სიმღერა, რთველში რომ მღეროდნენ პირ-მომცინარი მკრფეაგები. აგერ, გამოჩნდა ვაზების ერთ-ერთი მწკრივი. თავდახრი-

ლი ქალი მარდად ჰკრეფდა ყურძენს და კალათში აწყობდა, იქვე, მხარზე კალათ-შედგმული პატარა ბიჭი მწკრივიდან გამოდიოდა.

ოთარი მოუსვენრობამ შეიპყრო. ადგილზე წრიალებდა, თვალებს არ უჯერებდა.

ნუთუ მე ვარ? — გაიფიქრა ბავშვმა, მაგრამ პასუხისათვის სად ეცალა? მხარზე კალათ-შედგმული ბიჭი გოდორს მიუახლოვდა და ყურძენი შიგ ჩაყარა. ახლა კი ველარ მოითმინა ოთარმა და ყველასათვის მოულოდნელად წამოიძახა:


— ეს ხომ მე ვარ, მე ვარ, აგერ, შენც, დედა! — და გახარებული ბავშვი ადგილიდან წამოიქრა.

„წაჩინებული მოსწავლე ოთარი ეხმარება დედას“... — ლაპარაკობდა დიქტორი.

— ყოჩაღ, ოთარ! მართლა კარგი ბიჭი ყოფილხარ. — შეაქეს მაყურებლებმა პურებამდე გაწითლებული ოთარი, რომელიც სიხარულისაგან დედას მიჰკვროდა.

კინოსურათის დამთავრების შემდეგ ოთარი ქუჩაში კი არ მიდიოდა, მიფრინავდა.

მას თვალწინ ედგა უცნობი ძია, რომელმაც მხარზე კალათის შედგმა უშველა და სურათიც გადაუღო. ფრთაშესხმული ოთარი ქუჩაში მიმავალ ხალხს აკვირდებოდა, იქნებ შემთხვევით შეხვედროდა იმ უცნობ ძიას, რომელმაც სურათი გადაუღო და ახლა მაინც გადაეხადა დავიწყებული მადლობა!







ნ. კილასონია

## ღის სიზღვრა

ნახატები გ. როინიშვილისა



აღუ, აღუ. ძამია,  
დაგიკოცნო თითები:  
გაიზრდები, ძალიან  
ლონიერი იქნები.

აღუ, ჩემო ტიტინა,  
გაგეზარდოს კიკები.  
რომ თმებს ველარ მწიწკნიდნენ  
ჩვენი ეზოს ბიკები!...




## ზ ა რ მ ა ტ ი

ტახტზე კილობს გადავშლი,  
აივანზე დავრჩები.  
ასკინკილას თამაშში  
გამიცვდება „ბაჩები“.

ნურც ვენახში მეძახით,  
არა, არ შემიძლია,  
რომ გაწვიმდეს ხელახლა  
დამისველდეს „ზიზია“?

მე აქედან ვუცქერი,—  
ზვარში წავა გოგია,  
წამომიღოს ყურძენი,—  
სახლში კამა სჯობია!



ილინა ყიფიანი

ნახატი ქ. მახარაძისა

## სტუმრად ბიძაშვილთან

ერთ საღამოს ზაზა თავის ბიძაშვილს მერაბს ესტუმრა. როდესაც ბავშვებმა ჩაი დალიეს და მეორე ოთახში გავიდნენ სათამაშოდ, მერაბმა თავისი „კონსტრუქტორი“ გამოიტანა; პატარებმა ჯერ კიბე და სასწორი გააკეთეს, მერე წისქვილი ააშენეს, ბოლოს სახლიც კი დადგეს.

თამაშობა რომ მოსწყინდათ, მერაბმა თავისი ბიძაშვილი შუშაბანდში გაიყვანა. უეცრად ზაზას აღტაცებისაგან თვალები გაუფართოვდა; შუშაბანდის ერთი ნახევარი სათამაშო ველოსიპედებით იყო სავსე — ზოგი სამთელიანი, ზოგი ორთელიანი, ზოგი ლურჯად შეღებილი, ზოგი — წითლად. ამდენი ველოსიპედი მაღაზიაშიც არ უნახავს ზაზას. გული დასწყდა: სახლში მას მხოლოდ ერთი ველოსიპედი აქვს, ისიც ბევრი ტარებისაგან უკვე დანჯღრეული, ზოგ ადგილზე ჰაღებავიც გადაეცალა, ზარიც აღარ წკრიალეებს ძველებურად. მერაბს კი... უპ, რამდენი ველოსიპედი ჰქონია, მაინც რად უნდა ამდენი? რა ჰქნას, განა შესურდა, მაგრამ გული დასწყდა ზაზას.

— აქ ჩემი გარაჟია! — ამაყად წარმოთქვა მერაბმა და ხელი ველოსიპედები-

საკენ გაიშვირა. მერე ერთი მათგანი გამოაგორა და ზედ შეეჯდა, — ეს კი ჩემი ველოსიპედია.

— განა ყველა შენი არ არის? — ნერწყვისყლაპვით შეეკითხა ზაზა.

— ყველა? ამდენი რად მინდა? — გაეცინა მერაბს.

— მაშ?... მაშ ვისია?

— ვისი და ოთარის, ვახტანგის, გოგის, დათოსი, მზიასი და თამაზისა. — სულმოუთქმელად ჩამოთვალა მერაბმა.

— მერე... მერე შენთან რატომ დასტოვეს? — კვლავ არ სჯეროდა ზაზას.

— იმიტომ დასტოვეს, რომ ოთარი და მზია მეორე სართულზე ცხოვრობენ, ვახტანგი, გოგი და დათო — მეოთხეზე, თამაზი კი — მეხუთეზე. აბა, ყოველ დღე ხომ არ აათრევენ და ჩამოათრევენ? ამიტომ დედამ ნება მოგვცა, რომ ეზოში სეირნობის შემდეგ ყოველთვის აქ შევიწინახოთ ხოლმე ველოსიპედები. ახლა ხომ მიხვდი?

— მიხვდები. — უბასუხა ზაზამ და თავი ჩაღუნა; შერცხვა, გული რომ სწყდებოდა; მერაბს ამდენი ველოსიპედი რად უნდაო!





ქეთევან ჭილაშვილი

ნახატი ქ. მახარაძისა

## „ლურჯი“

ვახტანგი აღრე მივიდა საბავშვო-ბაღში.

დამლაგებელ სოფლის იქაურობა უკვე დაეწკრიანოვებინა და მცენარეების ფოთლებს სველი ტილოთი მტვერს აცლიდა.

ვახტანგი მიესალმა დამლაგებელ ქალსა და მასწავლებელს, მერე სათამაშოებისაკენ გასწია. მოსამართი მანქანა გაასრიალა იატაკზე, კუბიკებით „ხიდიც ააშენა“, მაგრამ როგორც კი თვალი მოჰკრა კუთხეში დაფეხქინდრულ „ლურჯას“, მაშინვე იქით გაეშურა.

— დრო! — დაეხმაურა ვახტანგი „ლურჯას“ და ზურგზე გადაუსვა ხელი. — როგორ დახეთქია „ლურჯას“ ზურგი! — დანანებით ჩაილაპარაკა მან და შეეცადა აქერცნილი ნაწილები ხელის გულით მიეტკებნა.

— წებო უნდა, ისე არ მიეკვრება! — თქვა მან ბოლოს და მასწავლებელთან მიიბრუნა:

— ნინო მასწავლებლო, შეიძლება ცოტა ხნით წებო მომცეთ? მასწავლებელმა კარადიდან პატარა ბოთლით წებო გამოუღო.

ვახტანგი ეკლავ „ლურჯასთან“ გაჩნდა და გულმოდგინედ უწებებდა აქერცნილ ნაწილებს.

— რას აკეთებ, ვახტანგ? — ჰკითხა ახალშემოსულმა გურამმა და შორიასლოს გაჩერდა.

— „ლურჯა“ უნდა მოვარჩინო! — მიუგო ვახტანგმა.

— არა სჯობია გემი ავაშენოთ?

— ჯერ ეს შევაკეთოთ, თორემ ისე გაფუჭდება, რომ მერე აღარ შეკეთდება! — გაიმეორა ბიჭუნამ თავისი პაპისაგან ხშირად გავონილი ნათქვამი.

— ნულარ შეკეთდება რა! ჩვენ ხომ სკოლაში დავიწყებთ მალე სიარულს. — არხეინად ჩაილაპარაკა გურამმა.

— მერე რა! ჩვენ თუ სკოლაში წავალთ, სამაგიეროდ გივი და ნუგზარი დიწყებენ აქ სიარულს. იმათ ხომ უყვართ „ლურჯას“ გაქენება! — უთხრა ვახტანგმა.

— აი, აქაც აქერცნილი აქვს! — მიუთითა გურამმა „ლურჯას“ ჩლიქებზე.

— რაღას უყურებ? მიაწებე! — დაიხმარა ვახტანგმა გურამი.

გურამმა მაშინვე ხელები დაიმკლავა და „ლურჯას“ ფეხებთან ჩაუსუცქდა.



ი. ზვიმი


აეროდრომის ახლოს,  
რომ გასცდები დაბლობს,  
ჩემი გულკეთილი,  
ტკბილი ბებო სახლობს.  
ყველა იცნობს ბებოს,  
გაგიგიათ ალბათ,  
ახლა მოგიყვებით  
უჩვეულო ამბავს:  
ვარია ჰყავს ბებოს  
ძლიერ მხიარული,  
ლაშაზი აქვს ფრთები,  
ჰკუა არა აქვს სრული!  
ვარიკელა ერთხელ  
გაეპარა ბების:  
„ — შინ დაბრუნდი ჩქარა,  
შემომელახები“  
ვარიკელა ამბობს:  
„ — მოსვლას მოვესწრები!“  
სწორედ ბების სახლთან  
აეროდროში გახლდათ.  
საიდანაც უცებ  
ვარიკა იქ გაჩნდა.  
ისკუბა და უცბად  
თვითმფრინავში ჩაბტა.  
დაედევნა ბებო,  
შემოსძახა: — აჰში!  
ბებიც მოხრილ მხრებით  
შეძვრა თვითმფრინავში.  
დატრიალდა ბები,  
აღარ იცის, რა ჰქნას?..  
— ვარიკელა, სად ხარ?  
სად ეშმაკში გაჰქრა!



ნახატები ბ. შოხიძის მიერ

დაფაცურდა ბები,  
უცბად მოჰკრა თვალი,  
ვარიკელა უკვე  
კაბინაში არის:  
დაბტის მოტორებთან,  
ბები დასდევს ხენწვით,  
უნდა ხელი სტაცოს,  
ბოლო შერჩა ხელში.  
დაბტის ვარიკელა  
მოტორებთან მარჯვედ,  
უცბად დააფრინდა  
თვითმფრინავის საკეს.  
ბების უნდა მისწვდეს,  
ახლოს არის, ხედავს,  
უცბათ ფეხი მოხვდა  
თვითმფრინავის პედალს:  
აგუგუნდა მძლავრად,  
ამაჟურდა ძრავი  
და ჩიტვით ცაში  
მიჰქრის თვითმფრინავი.  
უცბათ თვითმფრინავი  
მარჯვნივ გადაქანდა,  
რა ჰქნას ვარიკელამ,  
შიშით აკაკანდა.  
ბები ტირის, ტირის,  
ევვდრება გამჩენს,  
ვარიკელაც მოსთქვამს,  
ნისკარტს ურტყამს საკეს.  
მაგრამ თვითმფრინავი  
მალდა, მალდა იწვეს,  
გადალახა ვრცელი  
ლურჯი-ლურჯი სივრცე.





გადმოხედეს ქვევით,  
გაუფიქრდათ სახე,  
საკვირველი რამე,  
საოცრება ნახეს:  
გოლიათი მთები  
მომცრო ზვინებს ჰგვანან,  
ვევებერთელა ხენი  
ბუჩქებივით ჩანან.  
როგორც ბამბის ძაფი —  
მდინარეა წვრილი.  
ველი მოჩანს, როგორც  
ქრელი ხელმანდილი.  
წყლიან ტაშტებს ჰგვანან  
ვევებერთელა ტბები.  
სათამაშოს ჰგვანან  
ავტომანქანები.  
აღამიანს ამჩნევ,  
არ უჯერებ თვალსა,  
პაწაწინა მოჩანს  
ქინძისთაეის მსგავსად.  
ბები აკვირდება  
ქათმებს ეძებს თვალით.  
მხოლოდ ძროხა მოჩანს  
წვრილივით შავი.  
მაღლა აიხედეს.  
ღრუბლებია, მარტო,  
შეჯგუფებულან ერთად  
საავდროდ და სამტროდ  
უცბად ცაზე გაჩნდა  
საიდანლაც მთვარე.

ვევებერთელა მთვარე  
თვალებს აბრიალებს.  
ისე დიდი არის —  
მოელვარე მკერდით,  
მიწიდან რომ მოჩანს —  
ასჯერ უფრო მეტი.  
ბებო შიშით უმზერს,  
არ უჯერებს თვალებს,  
მარცხენა თვალს ხუჭავს,  
თვალს ჩაუკრავს მთვარე.  
შიშით უმზერს ბები,  
საოცრება ნახა:  
მთვარეს მრისხანებით  
დაუღია ხახა,  
კიდევ ერთი წამიც  
ბების გადაყლაპავს...  
ის წყეული წამი  
წელიწადად იქცა...  
შეშინებულ ბებოს  
დროზე გაელეიძა...  
გაელეიძა, ხედავს —  
სიმშვიდეა სრული.  
მხოლოდ შიშით ისევ,  
გული უცემს, გული!  
ვარიკლა ისევ  
არ ათავებს კაცანს  
და სიცილით ჰყვება  
ბებიმ თუ რაც ნახა.

თარგმანი რაჟა მარკიანი



# ქ ა რ ი

ნახატები ვ. ლალიძისა



ბ. ზაბალიძის მიერ

ბუნების მრისხანე ძალებს: ქარიშხალს, წყალდიდობას, მიწის ძვრებს, ან ვულკანების ამოფრქვევას ძველად მიაწერდნენ ზეციერ ძალებს და ჯადოსანებს, რადგანაც ხალხმა არ იცოდა ბუნების ამ მოვლენების წარმოშობის ნამდვილი მიზეზები.

ამ წერილის მიზანია, ჩვენს ნორჩ მკითხველებს კუთმობა ბუნების ზოგიერთი მოვლენების შესახებ.

სამასიოდე წლის წინათ საფრანგეთის ერთ-ერთ პატარა ქალაქში „სისხლის წვიმა“ მოვიდა. მოსახლეობა ისე დაშინდა, რომ აიყარა და სხვაგან გადასახლდა. ასეთი „სისხლის წვიმები“ ხანდახან მოდის ხმელთაშუაზღვის სანაპიროებზე. სხვაგვარი წვიმებიც არსებობს, მაგალითად: დანისის, ნორვეგიის და შოტლანდიის მცხოვრებლებს არაერთხელ უნახავთ კიბორჩხალების, ბაყაყების და თევზების „წვიმა“. თევზის „წვიმა“ მოვიდა ჩვენს შორეულ აღმოსავლეთშიც. ერთხელ შოტლანდიაში ზღვის მეღვებების „წვიმა“ დაუშვა. იტალიის ერთ ქალაქში ფორთოხლის „წვიმა“ მოვიდა, ხოლო ჩვენში, კალინინის ოლქში, ხორბლის „წვიმა“ 15—20 წუთს გრძელდებოდა.

ძველად ასეთი უცნაური წვიმების მიზეზი უცნობი იყო და ხალხში ცრუმორ-

წმუნეობას განამტკიცებდა. მეცნიერებამ კი დასაბუთა რომ ამ წვიმების ნამდვილი მიზეზია ქარი.

ძლიერი გრივალი, რომელიც დიდი სისწრაფით ტრიალებს, ძაბრისებურად აიზიდება ცისაკენ და გზაზე რაც მოხვდება, ჰაერში აიტაცებს.

ზოგჯერ გრივალი წამოხვეტავს ხოლმე მოწითალო ფერის თიხა-ქვიშების მტვერს—ოხრას (ოხრა წითელი საღებავია), ეს მტვერი წვიმის წვეთებში შეერევა, მის წყალში გაიხსნება და დღემიწაზე დაეშვება სისხლისფერ წვიმად; ამიტომ დაარქვეს მას „სისხლის წვიმა“. ამაში აღვიღლად დარწმუნდნენ: როდესაც სისხლისფერი წვიმით ქიქა აავსეს და რამოდენიმე საათი დააცადეს დაქნობა, ნახეს, რომ წითელი საღებავის ოხრას ნაწილაკები ფსკერზე დაილექა და დაწმენდილი სუფთა წყალი ზვიდან მოადგა.

კიდევ უფრო გასაოტარია „სისხლიანი თოვლი“: ზოგჯერ ხდება ხოლმე, რომ დათოვლილი მიდამო უცბად, ერთ ღამეში მუქქითლად შეიღებება. ძველი შეხედულების ხალხი მას სასწაულებრივ მოვლენად თვლიდა. მეცნიერებმა გამოიკვლიეს, რომ „წითელი თოვლი“ ჩვეულებრივი თვალით უხილავი, პაწაწინა წყალმცენარეების ჩანასახები ყოფილა; ქარის მიერ შორი ადგილებიდან გადმოტანილი წითელი ფერის პაწა წყალმცენარეები უცბად მრავლდება თოვლზე და სისხლის ფერს აძლევს თოვლს, ამის აღმოჩენა მხოლოდ გამადიდებელი შუშით — მიკროსკოპით შესძლო ადამიანმა.

ასევე, ქარის მეოხებით წარმოიშვება სხვაგვარი წვიმებიც. გრივალი ხშირად ჰაერში აიტაცებს ტბის, მდინარის ან ზღვის წყალს და მასთან ერთად შიგ მყოფ თევზებს, მეღვებებს, კიბორჩხალებს, ბაყაყებს. ზოგჯერ დაანგრევს და გაიტა-



ცებს მარცვლეულის საწყობს და ასეული კოლომეტრების მანძილზე გადასტყორცნის. ამის შედეგად ვლვებულობთ სხვადასხვა არაჩვეულებრივ წვიმებს, რომლებიც შოშის ზარს სცემდნენ მოსახლეობას.

ჩვენ ვიცით, რომ ქარი ჰაერის მოძრაობის შედეგად წარმოიშვება; მართალია ქარიშხალი ანგრევს შენობებს, ჰგლეჯს ასწლოვან ხეებს, ზღვაზე დუპავს გემებსა და უდაბნოებში ქარაფნებს. მაგრამ ჩვეულებრივ ქარს ბევრი სარგებლობაც მოაქვს: მაგალითად, ქარი ხელს უწყობს ზღვაზე მიმოსვლას, ზღვებიდან მოაქვს ღრუბელი და წვიმის სახით რწყავს ველმინდვრებს, ამოძრავებს ქარის წისქვილებს, მანენ ნიეთიერებისაგან წმენდს ჰაერს. კი-

დეგ მეტიც, — სამხრეთ-აღმოსავლეთ ხინეთში ქარს უდაბნოდან მოაქვს ერთგვარი ყვითელი მტვერი (ლიოსი), რომელიც ანოყიერებს სახნავ-სათეს მიწებს.

საბჭოთა კავშირში ქარის ძალა, რომელსაც „ცისფერ ნახშირს“ უწოდებენ, გამოყენებულია ხალხის საკეთილდღეოდ: სპეციალური ქარის ძრავები უღვათ ჩვენს მამაც პოლარელებს ჩრდილოეთში, და ისინი აძლევენ სითბოს, სინათლეს. მოს-



კოვის ოლქში ქარის ელექტროსადგური მუშაობს, რომელიც ელექტროდენს აწვდის კოლმეურნეთა ბინებს და სასოფლო-სამეურნეო სა-მუშაოებს.

ბუნების მრისხანე ძალა ქარი ადამიანმა თავის სამსახურში ასე ჩააყენა.

# უამრლობა



6620

## ალქსანდრე ბემაშვილი

აქეთ მწიფე ვაშლი მიხმობს, იქით მსხალი ოქროსფერი. რა ტკბილია შემოდგომა, რა კარგია ოქტომბერი! კომშს ასხია ისე ბლომად, რომ ტოტები დაბლა უძევეს, კომშიც მიყვარს, ვაშლიც, მაგრამ არაფერი არ სჯობს ყურძენს. გუშინ აღრე წამოვდექი, წასასვლელი ვიყავ რთველში, ვენახისკენ გავეშურე კალათით და დანით ხელში. კაკლის ხის ქვეშ, ზვრების თავში, გოღორი რომ იღვა დიდი, — ქარვასავით მწიფე ყურძენს კალათებით მარჯვედ ვყრიდი. გოღორი რომ ივსებოდა, მტენები რომ ჩანდა ხევადა,



ატმის ტოტებს დანით ვჭკრიდი გოღორის თავის მოსაწნავად. შუადღისას შევისვენეთ, მთიდან ჰქოდა სიო გრილი, გულს გვილხენდა მწვანე მოღზე დაცემული კაკლის ჩრდილი. — „თუ შენ მართლა ყოჩაღი ხარ, — მითხრეს, — აბა, გვითხარ ლექსი“. მეც ვთქვი (ხევეწა რად მინდოდა), — რაც ვიცოდი უკეთესი. იქ აკილო ბევრი ავქერ, უამრავი ავქერ ჩხები, — შესაქმელად ვერ გასწირავ, სილამაზით ვერ გაძლები. აქეთ მწიფე ვაშლი მიხმობს, იქით მსხალი ოქროსფერი, როგორ მიყვარს შემოდგომა, რა კარგია ოქტომბერი!

# გოგონა და მგელი



უნგრული ზღაპარი

ყო ერთი ღარიბი ქალი, ჰყავდა ერთი ქალიშვილი. ეს გოგო მეტისმეტად ჭკვიანი იყო.

ტყეში, სოფლის გადაღმა, ცხოვრობდა მგელი თავისი ცოლით.

ერთხელ ღარიბმა ქალმა ფიჩხის მოსატანად გაგზავნა გოგონა და თან დაარიგა:

— ფრთხილად იყავი, შეილო, მგელმა არ შეგქამოს.

— ნუ გეშინია, დედიკო, — უპასუხა გოგონამ, — გაფრთხილდები.

გოგონა ტყეში ფიჩხს აგროვებდა. უცებ თავზე მგელი წამოადგა.

— აქ რას აკეთებ, გოგონა? — ჰკითხა მგელმა.

— ფიჩხს ვაგროვებ.

— წამოდი ჩემთან, მე შექარს გიყიდი! — შეჰპირდა მგელი.

— ფიჩხს რაღა უყუო? — უთხრა გოგონამ და მიბრუნდა თუ არა, მგელმა სტაცა თათი, ჩაუძახა ტომარაში, მოიგდო ზურგზე და წაიღო სახლში.

იარა, იარა, ბოლოს დაიღალა, ტომარა მიწაზე დადო და თვითონ გვერდით მიწვა.

გოგონასაც ეს უნდოდა: გამოძერა

ნახატები პ. კანელაქისა

ტომრიდან, გატენა ეკლებით და გოროხებით, თვითონ კი ხეზე აძვრა.

მგელმა დაისვენა, მოიკიდა ტომარა და გზას გაუღდა. ეკლები და გოროხები კი ზურგში ჩხვლეტენ:

— გოგონი, ნუ მჩხვლეტ ზურგში! — შეუყვირა მგელმა, — თორემ დავაგდებ ტომარას და ფეხებით გაგთელავ.

მგელმა გზა განაგრძო, ეკლებმა კი ზურგი სულ დაუჩხვლიტეს.

სახლში რომ მივიდა, ცოლს უბრძანა:

დიდი ცეცხლი დაანთე, ნადავლი მოგიტანეო. თვითონ კი ჩვეულებად ჰქონდა: შინ რომ დაბრუნდებოდა, მაშინვე წყლის დასაღვევად გარბოდა გარეთ.

მგლის ცოლმა ტომარას პირი მოხსნა



და, რას ხედავს?! ეკლებითა და გოროხებით არის გატენილი.

მგელი რომ დაბრუნდა, ცოლმა აჩვენა ტომარა:

— შე ზარმაცო, შენა! აი, თურმე რისთვის გაცდენილობარ!

გაბრაზდა მგელი! წაიღო ტყეში. გოგონაც კიდევ იქ მივიდა ფიჩხისათვის. მგელმა უთხრა მას:



— მოდი ჩემთან. მე შეპარი მოგიტანე. აი, ტომარის ძირშია.

გოგონამ ჩაიხედა ტომარაში, მგელმა დასტაცა თათი, ჩააგდო ტომარაში. მოიგდო ზურგზე და მხიარულად გასწია.

გზაზე შეისვენა, მოიხსნა ტომარა და მიწვა. გოგონა კი გამოძვრა და ქვებით გაავსო ტომარა.

მგელმა გამოიღვიძა. წამოიკიდა ტომარა და კმაყოფილი წავიდა სახლისაკენ. თან ემუქრება გოგონას:

— ნუ მიჯაჯგურებ ზურგზე, თორემ გაგთელავ!

სახლში რომ მივიდა ცოლს უთხრა:

— აბა, ქალო, რა საუზმე მოგიტანე! ლუმელის გახურება და გვაკლია! — ტომარა დედა მგლის წინ დადო და ძუნძულთი გავიდა სახლიდან.

ცოლმა მოხსნა ტომარას პირი და ქვებით საესე რომ დაინახა. გაუჯაკურდა მგელს:

— ოჰ, შე ბებერო! შენ ლუკმა პურის შოვნის თაეც აღარ გაქვს!

ახლა კი ძალიან გაბრაზდა მგელი, კვლავ გასწია ტყისაკენ და მისულიც არ იყო. გზაზედვე შეხვდა გოგონას:

— სად მიდიხარ, გოგონი?

— ტყეში, ბიძიკო,

— უბასუხა გოგონამ.

— ერთად წავიდეთ, მეც იქ მივდივარ.

— არ წამოგყვები, მომატყუებ!

— რას ამბობ, გოგონი! — თქვა მგელმა, — როგორ თუ მოვატყუებ.

დაუჯერა გოგონამ და წაჰყვა.

იარეს, იარეს და უცებ მგელმა უთხრა:

— ერთი მიიხედე,

უჟანვინ მოგვდევს?

გოგონამ მიიხედა,

მგელმა სტაცა თათი და ჩააგდო ტომარაში.

— ახლა კი სახლამდე აღარ დავისვენებ. — თქვა მგელმა და ასეც მოიქცა, სახლამდე მუხლი არ მოუყვცია.

სახლში ცოლს უთხრა:

— ქალო, ლუმელი დანთებული გაქვს? სამწვადე მოგიტანე!

დააგდო ტომარა იატაკზე, თვითონ კი გარეთ გავარდა.

დედა მგელმა ცეცხლი დაანთო და გოგონას უთხრა:

— დაჯექი ნიჩაბზე, შეიხედე, გახურდა თუ არა ლუმელი.

— რომ არ ვიცი, როგორ უნდა ნიჩაბზე დაჯდომა? თქვენ მიჩვენეთ და მერე მე დაჯდები. — მიუგო გოგონამ.

მგლის ცოლი დაჯდა ნიჩაბზე, გოგონამ შეუძახა ლუმელში, მიუხურა კარები და თვითონ კი გაიქცა.

თარგმანი ვალენტინა ძიძიგურმა





ლ. ძმამიძე


ნახატები გ. როინიძეებისა

### ტყუპები

ტყუპნი იყვნენ პატარები  
რამაზი და ლიდა;  
ძმას თუ ხელში რამე ჰქონდა  
დაც იტყოდა: „მინდა!“

რამაზსა და ლიდას მისცეს  
თითოს სამი მსხალი;  
ძმამ შეკამა მხოლოდ ერთი,  
დამ კი — ორი ცალი.

ლიდას გული ამოუჯდა,  
წაყვიდა რამაზს:  
ვის რამდენი მსხალი დარჩა —  
აბა, მიხვდი ამას!



### ფანქრები

თუმც ფანქრები ერთად ჰქონდათ  
მზიას, დიტოს, გელას,  
მაგრამ ვანა თანატოლად, —  
მეტ-ნაკლები ყველას!  
მაგრამ მზია თუ ერთ ფანქარს  
უთავაზებს დიტოს,  
მაშინ ზუსტად თანატოლი  
გაუხდება თითოს.  
ამოციანს პირობები  
ხომ გაიგე,  
ჰოდა —  
აბა, მიხვდი: ცხრა ფანქარში  
ვის რამდენი ჰქონდა?!

### ბ ა მ ო ს ა ნ ა ბ ი



აღ. სანიროული

არის რქიანი, თბილქურქიანი,  
მშვიდი, წყნარი და ბარაქიანი!

ხან ქიაა რქებიანი,  
ხან პეპელა ფრთებიანი!



ქიხინა და პაწაწინა —  
მარლად დახტის დედის წინა!



შეილი არის მიწის,  
ტყეში ბევრი იცის,  
თავის ფორმით მოჭავებს  
თოჯინების ქოლგას,  
სისხამ დილით მივალთ,  
კალათებით მოგვაქვს.



### მოგი ნაერთული

ყლის მხატვრობა გუთუნის შ. ცხადაძე      ბამოცემის ოცდაათწივი წელი      შანი 2 მან

რედაქტორი იოსებ ნუნეშვილი. სარედაქციო კოლეგია: გრ. აბაშიძე, ეკ. ბურჯანაძე, ი. გრიშაშვილი, კ. გოგიაშვილი, მაცყალა მრევლიშვილი (რედაქტორის მოადგილე), რ. მარჯანი, ი. ხიზარულაძე, ნ. უნაჟოშვილი შ. ცხადაძე (სამხატვრო რედაქტორი)

Д И Л А — ежемесичный детский журнал ЦК ЛКСМ ГРУЗИИ № 10, Октябрь, 1954 г. Тбилиси, Ленин 14. საბჭოთაშვი. რედაქციის მისამართი: თბილისი, ცენტრის 14. 3 სართ. ტელ. 33-37-38 გამოცემა. შუკვ. № 400 სტამბის შუკვ. № 1221/2159  
10 14657 ტირაჟი 15.000 ტექსტი აწარმოებდა პოლიგრაფკომბინატ „კომუნისტის“ სტამბაში, უკრძალავდა დახელოებული ოცლების სისტემის მშენებანზე „ხარია ვოსტოკას“ სტამბაში.